

淙山讀周易記

泰山經國集

卷一

總校官進士臣朱 鈐

校對官中書臣牛稔文

謄錄監生臣黃 譽

欽定四庫全書

淙山讀周易卷六

宋 方寔孫 撰

上經

䷁ 坤 兌 上下

臨序卦曰蠱者事也有事而後可大故受之以臨臨者

大故為元亨利貞也韓康伯曰可大之業由事而生二陽方長而盛

于八月有凶疏云臨為建丑之月從建丑至于八月建

子道消故八月有凶伊川曰二陽方長于下陽道向盛之時聖人預為之戒曰陽雖方盛至于八月則其道消矣是有凶也大率聖人為戒必于方盛之時方盛而慮衰則可以防其滿而圖其永久若既衰而後戒亦无及矣

臨天下之道欲大亨以正而為保民无疆之計非臨時而後為之圖故曰至于八月有凶是思患預防之意

彖曰臨剛浸而長說而順

伊川曰浸漸也二陽長于下而漸進也下兌上坤和說而

順也剛中而應大亨以正天之道也

伊川曰剛得中道而有應助是以能大亨

而得正合天之道童溪曰在爻則九二之于六五是也

至于八月有凶消不久也

伊川曰臨二陽生陽方漸盛之時故聖人之戒云陽雖方長然至于八月則消而凶矣八月謂陽生之八月陽始生于復自復至遯凡八月自建子至建未也二陰長而陽消矣故云消不久也

陰陽消長相為循環天之道也當臨卦二陽方長之

時而告之以將消不久之理欲使君子早防小人而

不至于凶是易之大旨也臨卦初九九二爻皆曰咸

臨君子以至誠而感其上是二陽浸長之象也六四

應于初九則曰至臨无咎六五應于九二則曰知臨

大君之宜亦可以无咎矣聖人預為之慮則曰至于  
八月有凶者謂臨卦二陽浸長猶有六三无攸利之  
小人欲臨二陽于其上也六三爻曰甘臨无攸利既  
憂之无咎唯初九九二之為君子者既憂小人而預  
防之使小人不至于長惡故六三爻曰咎不長也上  
六應于六三亦終以敦臨而无咎此臨之所以大亨  
也

象曰澤上有地臨

伊川曰澤上之地岸也與水相際臨  
近乎水故為臨天下之物密近相臨

者莫如地與水地上有水則為比澤上有地則為臨君子以教思无穷容保民无

疆伊川曰物之相臨與含容无若水之在地故澤上有地為臨也君子觀親臨之象則教思无穷親臨于民

則有教導之意思也无窮至誠无毀也觀含容之象則有容保民之心无疆廣无疆限也含容有廣大之意故

為无窮无疆之義

初九咸臨貞吉象曰咸臨貞吉志行正也疏云咸感也有應于四感

之而臨志行得正故貞吉也伊川曰九之志在于正行也以九居陽又應四之正其志正也

初九屬于兌體以貞為說感于六四是正應也比于

九二陽爻剛實皆以正道而感人故初九九二爻皆

曰咸臨以九居初志先行正是貞吉者也

九二咸臨吉无不利

伊川曰二陽方長而漸盛感動于六五中順之君其交之親故見信

任得行其志所臨吉而无不利也

象曰咸臨吉无不利未順命也

疏云未可

盡順五命須斟酌事宜有從有否故得无不利也則君臣上下獻可替否之義也伊川曰九二與五感應以臨下蓋以剛德之長而又得中至誠相感非由順上之命也是以吉而无不利

初九以咸臨而比于九二之咸臨二陽同類志在行

正剛浸而長其貞吉可知也九二以咸臨而應于九

五吉无不利亦可知也然比于六三之甘臨以小人

而臨其上猶未順命至于八月有凶此臨之所以有憂也

六三甘臨无攸利

疏云甘臨者謂甘美諂佞也履非其位居剛長之世而以邪說臨物故无

攸利伊川曰三居下之上陰柔而既憂之无咎  
說體處不中正以甘說臨人者也  
疏云能盡其事

改過自修其咎則止  
象曰甘臨位不當也既憂之咎不

長也  
伊川曰陰柔之人處不中正而居下之上復乘二陽是處不當位也能知懼而憂之則必強勉自改

其過咎不長也

六三陰柔不中居兌說之極是小人甘言以取說者

也處不當位乘二陽之上將不利于君子為君子者  
能憂小人而預為之防可以无咎為六三者亦自知  
憂懼處坤體之下能說而順不至于長惡此咎之所  
以不長也

六四至臨无咎

伊川曰四居上之下與下體相比是切  
臨于下臨之至也臨道尚近故以此為

至四居正位而下應于剛陽之初處近君之位象曰至  
守正而任賢以親臨于下是以无咎所處當也

臨无咎位當也

伊川曰居近君之位為得其任以陰處  
四為得其正與初相應為能下賢所以

无咎蓋由  
位之當也

六四比于下卦是自上臨下也以六居四為當其位  
近于六五而不敢迫其上體本坤順知至而止故曰  
至臨无咎

六五知臨大君之宜吉

伊川曰以一人之身臨乎天下之廣若區區自任豈能周于萬

事故自任其知者適足為不知唯能取天下之善任天下之聰明則无所不周是不自任其知則其知大矣五順應于九二剛中之賢任之以臨下乃己以明知臨天下大君之所宜也童溪曰六五君位也在臨則所謂君也  
象曰大君之宜行中之謂也  
伊川曰五有中德故能倚任剛中之賢得大君

之宜成知臨之功蓋由行其中德也

曰行中者君道不可過于用知也以六居五虛中而應于九二剛明之賢是大君之宜也上六過乎中則曰敦臨吉是君道不可過于明又寧可過于厚也

上六敦臨吉无咎

伊川曰上六坤之極順之至也居臨之終敦厚于臨也

象曰敦

臨之吉志在內也

疏云雖在上卦之極志意恒在于內之二陽意在助賢故得吉也揚氏曰

下卦為內志在內從二陽也

上六居坤體之上以敦厚為德當臨之極是過于厚者也志在于內之二陽其有志于助賢也寧過于厚

故吉而又无咎也



坤下  
巽上

觀

序卦曰臨者大也物大然後可觀故受之以觀伊川曰凡觀視于物則為觀平聲為觀于下則為觀去聲

如樓觀之觀者為觀于下也人君上觀天道下觀民俗則為觀修德行政為民瞻仰則為觀風行地上徧觸萬

類周觀之象也二陽在上四陰在下陽剛居尊為羣下所觀仰觀之義也盥而不薦有孚顒

若

注云王道之可觀者莫盛乎宗廟宗廟之可觀者莫盛于盥也至薦簡畧不足復觀故觀盥而不觀薦也

孔子曰禘自既灌而往者吾不欲觀之矣盡夫觀盛則下觀而化矣故觀至盥則有孚顒若也伊川曰盥謂祭祀之始盥手酌鬱鬯于地求神之時也盥者事之始人心方盡其精誠嚴肅之至也既薦之後禮數繁縟則人

心散而精一不若始盥之時矣居上者正其表儀以為下民之觀當莊嚴如盥之初勿使誠意少散如既薦之後則天下之人莫不盡其孚誠顯然瞻仰之矣顯仰望也

觀卦四陰爻在下皆觀仰九五者也初六柔弱在下卦之下故取童觀之象六二柔弱在下卦之中故取女貞之象六三爻曰觀我生進退六三在下卦之上上卦之下可退則退可進則進是觀我生而為進退者也使其可進則為六四之利用賓于王矣六四近于九五有賓于王之象故九五為觀之主六四為觀

之賓是在下者之所共觀而化者也九五爻云觀我  
生君子无咎上九爻云觀其生君子无咎上九在于  
九五之上是天下之所觀者在乎君君之所觀者天  
又在其上也天生君子以遺其君為九五者上能敬  
天下能敬賓長育人才有顓俊尊上帝之義精神純  
一常如盥而不薦之時將使天下之人觀感而化有  
孚顯若皆知有君子之道亦可以上合天意神道設  
教其妙如此所謂盥而不薦者豈徒以祭祀之虛文

而為敬哉

彖曰大觀在上

伊川曰五居尊位為下所觀其德甚大故曰大觀在上

順而巽中

正以觀天下

伊川曰下坤上巽是能順而巽也五居中正以巽順中正之德為觀于天下也觀

盥而不薦有孚顒若下觀而化也

伊川曰為觀之道嚴敬如始盥之時則下

民至誠瞻仰而從化也不薦謂不使誠意少散也

觀天之神道而四時不忒聖

人以神道設教而天下服矣

伊川曰天道至神故運行四時化育萬物无有差忒

至神之道莫可名言唯聖人默契其妙用設為政教故天下之人涵泳其德而不知其功鼓舞其化而莫測其用自然仰觀而戴服故曰以神道設教而天下服矣童溪曰天下之所觀者聖人也聖人之所觀者天也聖人何